

## Կ Ա Ր Ծ Ի Ք

Վարդուհի. Գևորգի Գաբրիելյանի Ը.00.01- «Ընդհանուր տնտեսագիտություն» մասնագիտությամբ տնտեսագիտության թեկնածուի գիտական աստիճանի հայցման համար ներկայացված «Գույքային հարաբերությունների պետական կարգավորման հիմնախնդիրները ՀՀ տնտեսության զարգացման արդի փուլում» թեմայով ատենախոսության վերաբերյալ

### *Ատենախոսության թեմայի արդիականությունը*

Գույքային հարաբերությունների արդյունավետ համակարգի ձևավորման ուղիների որոնման նպատակադրմանը զուգընթաց, տնտեսագիտության ինչպես մակրո, այնպես էլ միկրոմակարդակներում հատուկ նշանակություն են ստանում գույքային հարաբերությունների ուսումնասիրության մեթոդական և տեսական հարցերը: Մեր երկրում վերջին 28 տարիների տնտեսական վերափոխումների փորձը ցույց է տալիս, որ դրանց հաջողությունը մեծապես որոշվում է գույքային հարաբերությունների գործառնության ինչպես սուբյեկտիվ, այնպես էլ օբյեկտիվ հիմքերի ըմբռնմամբ: Ուսումնասիրելով գույքային հարաբերությունների առանձնահատկությունները և բովանդակային փոփոխությունները, հնարավոր է դառնում հասկանալ տնտեսական խնդիրները և դրանց լուծման հնարավորությունները առանձին երկրներում, ինչպես նաև կանխատեսել իրականացվող բարեփոխումների արդյունքները և բացահայտել երկրների տնտեսական զարգացման ներուժը:

Պետք է նշել, որ վերջին տարիներին գույքային հարաբերությունների պետական կարգավորումը զարգացած և զարգացող երկրներում բազմաթիվ փոփոխությունների է ենթարկվել, իսկ այդ բնագավառում ձևավորված լուծումները շատ դեպքերում շարունակում են չբավարարել տնտեսական զարգացումների ներկա փուլի պահանջներին: Մասնավորապես, պայմանագրային հարաբերությունների որակական բնութագրիչները և դրանցից առաջացող ռիսկերը, աշխատանքային հարաբերությունների կարգավորման դաշտը և տնտեսական անորոշությունները, տնտեսական հարաբերությունների զարգացման դինամիկան և հարկային վարչարարության արդյունավետության ոչ բարձր մակարդակը և այլ

հիմնախնդիրներ շարունակում են խոչընդոտել ազատ մրցակցությանը և գույքային հարաբերությունների զարգացմանը Հայաստանում:

Ակնհայտ է, որ տնտեսական հարաբերությունների դիմամիկ զարգացման պայմաններում գույքային հարաբերությունների կարգավորման և կառավարման արդյունավետ համակարգի ձևավորումը պահանջում է ժամանակակից նոր մոտեցումներ: Գույքային հարաբերությունների զարգացման, կարգավորման, ինչպես նաև գույքի կառավարման սկզբունքներն ու մեթոդները պետք է հիմնված լինեն խորը տեսական գիտելիքների և գործնական փորձի ներդաշնակ համադրության վրա, ինչով էլ պայմանավորված է ատենախոսության թեմայի արդիականությունը:

### *Հետազոտության նպատակը և հիմնական խնդիրները*

Հետազոտության նպատակը գույքային հարաբերությունների էության, դրանց զարգացման օրինաչափությունների ուսումնասիրությունն է, որի հիման վրա հնարավոր կլինի ցույց տալ ՀՀ-ում գույքային հարաբերությունների բացասական դիմամիկան սահմանափակող պետական կարգավորման ուղղությունները: Ատենախոսության նպատակին հասնելու համար սահմանվել են հետազոտության հետևյալ խնդիրները.

- ✓ ուսումնասիրել «գույք» հասկացությունը և գույքային հարաբերությունները,
- ✓ բացահայտել գույքային հարաբերությունների առանձնահատկությունները, որոշել դրանց տեղը հասարակական հարաբերությունների համակարգում, ինչպես նաև գույքային հարաբերությունների տեսանկյունից վերլուծել հասարակական տնտեսական ֆորմացիաների առանձնահատկությունները,
- ✓ ներկայացնել գույքի տեսակների դասակարգումը, ցույց տալ ոչ նյութական օբյեկտների նկատմամբ գույքային հարաբերությունների առանձնահատկությունները ժամանակակից պայմաններում,
- ✓ դիտարկել գույքային հարաբերությունների իրացումը դիմամիկայում և առաջարկել այն բնութագրող ցուցանիշներ, հարկային համակարգը դիտարկել որպես գույքային հարաբերությունների զարգացումը կարգավորող գործիք,
- ✓ բացահայտել գույքային հարաբերությունների զարգացման միտումները և դրսևորման նոր ձևերը ժամանակակից տնտեսական պայմաններում,

- ✓ բնութագրել գույքային հարաբերությունների զարգացման առանձնահատկությունները ՀՀ-ում և առաջարկել գույքային հարաբերությունների զարգացման պետական կարգավորման ուղղությունները,
- ✓ բացահայտել գույքային հարաբերությունների զարգացման գործոնները և ներկայացնել նոր որակի գույքային հարաբերությունների պետական կարգավորման քաղաքականությունը ՀՀ տնտեսությունում:

### *Ատենախոսության կառուցվածքը և բովանդակությունը*

Ատենախոսությունը բաղկացած է ներածությունից, երեք զլուխներից, եզրակացությունից և օգտագործված գրականության ցանկից: Ատենախոսության ծավալը կազմում է 165 էջ:

Ներածությունում հիմնավորվել է թեմայի արդիականությունը, ներկայացվել են հետազոտության նպատակը, ինդիքները, առարկան և օբյեկտը, հետազոտության տեղեկատվական և մեթոդական հիմքերը, ձևակերպվել է ատենախոսության գիտական նորույթը, տեսական և գործնական նշանակությունը:

Ատենախոսության առաջին՝ «Գույքային հարաբերությունների էությունը շուկայական տնտեսության համակարգում» գլխում ուսումնասիրվել են գույքի և գույքային հարաբերությունների տնտեսագիտական բովանդակությունը, ինչպես նաև ներկայացվել գույքի տեսակների բազմակողմ դասակարգումը:

Ատենախոսության երկրորդ՝ «Գույքային հարաբերությունների առանձնահատկությունները ժամանակակից պայմաններում» գլխում ուսումնասիրվել են գույքային հարաբերությունների իրացման չափումը և կարգավորումը, ինչպես նաև գույքային հարաբերությունների զարգացման միտումները ժամանակակից պայմաններում:

Ատենախոսության երրորդ՝ «Գույքային հարաբերությունների պետական կարգավորումը ՀՀ-ում» գլխում ուսումնասիրվել են գույքային հարաբերությունների զարգացման առանձնահատկությունները ՀՀ-ում, բացահայտվել են գույքային հարաբերությունների կարգավորման ուղղությունները, գույքային հարաբերությունների զարգացման գործոնները և ներկայացվել է նոր որակի

գույքային հարաբերությունների պետական կարգավորման քաղաքականությունը ՀՀ տնտեսությունում:

Ատենախոսության «Եզրակացություններ» բաժնում ընդհանրացվել և ամփոփվել են հետազոտության հիմնական արդյունքները:

*Աշխատանքի հիմնական գիտական արդյունքները և գիտագործնական նշանակությունը*

Ատենախոսության գիտական արդյունքը կայանում է գույքային հարաբերությունների գիտական հիմնավորված հետազոտության մեջ, որը զարգացնում է գույքային հարաբերությունների բովանդակության, էվոյուցիայի և դինամիկայի մասին պատկերացումները ժամանակակից պայմաններում: Աշխատանքում գիտական նորույթ պարունակող հիմնական դրույթները հետևյալն են.

1. Հստակեցվել է գույքի և գույքային հարաբերությունների սահմանումը սոցիալ-տնտեսական մեկնաբանման շրջանակներում, որը թույլ է տալիս բացահայտել գույքային հարաբերությունների բովանդակության ժամանակակից ընկալումը:
2. Առաջարկվում է սինթեզված մոտեցում գոյություն ունեցող մեթոդաբանական մոտեցումների՝ պատմական մատերիալիզմի, մեթոդաբանական կոլեկտիվիզմի և մեթոդաբանական ինդիվիդուալիզմի շրջանակներում: Մինթեզի սկզբունքը արտահայտվում է մարքայան տեսության, ինստիտուցիոնալիզմի և նեոինստիտուցիոնալիզմի դրույթների համադրությամբ:
3. Բացահայտվել և հիմնավորվել է գույքային հարաբերությունների սուբյեկտների շահերի հավասարակշռությունն ապահովող գործիքակազմը դրանց զարգացման գործընթացում: Այն հարկային համակարգի միջոցով իրականացվող պետական կարգավորման միջոցառումների համալիր է, որը ֆիսկալ և վերաբաշխիչ գործառնությունների միջոցով հնարավորություն է տալիս պետությանը նվազեցնել գույքային հարաբերությունների զարգացման բացասական կողմերի ազդեցությունը: Որպես գույքային հարաբերությունների իրացման գործընթացի գնահատման ցուցանիշներ, առաջարկվում են սոցիալ-տնտեսական ցուցանիշներ, որոնք թույլ են տալիս բնութագրելու գույքային հարաբերությունների սուբյեկտների շահերի բավարարման աստիճանը

տարբեր մակարդակներում՝ անձնական-մասնավորից մինչև պետական (ՀՆԱ, դինամիկա, աշխատավարձի մասնաբաժինը ՀՆԱ-ում, ՄՁՀ):

4. Ներկայացվել է գույքային հարաբերությունների ժողովրդավարացման սահմանումը: Գույքային հարաբերությունների ժողովրդավարացումը տնտեսվարող սուբյեկտների հնարավորությունն է մասնակցելու գույքային հարաբերություններին՝ գույքային հարաբերությունների իրացման արդյունքների յուրացման ձևով, անկախ այն բանից, թե իրավաբանորեն ում է պատկանում տվյալ գույքը, այսինքն, հանրության մեծ մասի ներգրավումը գույքային հարաբերությունների իրացման արդյունքների յուրացման գործընթացին:
5. Բացահայտվել են գույքային հարաբերությունների մի շարք օբյեկտների՝ մտավոր և վիրտուալ (աժանցյալ ֆինանսական գործիքներ) սեփականության իրացման առանձնահատկությունները:
6. Աշխատանքում առանձնացված են գույքային հարաբերությունների զարգացման որակական վիճակները, որոնք ապահովում են անցումը գույքային հարաբերությունների զարգացման հաջորդ մակարդակին:
7. Բացահայտվել են գույքային հարաբերությունների իրացման գործընթացի վրա ազդող պայմանները, որոնք ապահովում են գույքային հարաբերությունների իրացման գործընթացի շարունակականությունը, և դրանով պայմանավորված առանձնացվել են գույքային հարաբերությունների պետական կարգավորման ուղղությունները:
8. Բացահայտվել են գույքային հարաբերությունների զարգացման գործոնները՝ մարդկային կապիտալի, կրթական համակարգի, տեղեկատվական տեխնոլոգիաների զարգացումը, դրանց փոխկապվածությունը և պետական կարգավորման համակարգի հետ փոխկապակցումը:

Ատենախոսությունում ձևակերպված տեսական դրույթներն ու եզրակացություններն ուղղված են ՀՀ-ում գույքային հարաբերությունների պետական կարգավորման գործընթացի բարելավմանը: Հեղինակի առաջարկությունները կարող են օգտագործվել գույքային հարաբերությունների զարգացման և կարգավորման հիմնախնդիրներին վերաբերող հետազոտ հետազոտությունների համար:

## *Ղիտողություններ ատենախոսության վերաբերյալ*

Ատենախոսությունը գերծ չէ նաև թերություններից, որոնցից մեր կողմից կարևորվել են հետևյալները.

1. Ատենախոսության երկրորդ գլխում գույքային հարաբերությունների պետական կարգավորման համատեքստում հեղինակը զգալի ուշադրություն է դարձրել ՀՀ հարկային համակարգի կատարելագործմանը, սակայն բավարար չափով չի անդրադարձել հարկերի կառուցվածքին (առանձին հարկատեսակներին) և տեղական բյուջեների կատարելագործմանը:
2. Ատենախոսությունում նվազ ուշադրության են արժանացել պետական գույքի կառավարման և պետական գույքային հարաբերությունների կարգավորման հիմնահարցերը, հատկապես պետություն-մասնավոր հատված գործընկերության համատեքստում:
3. Ատենախոսության 3. 2 ենթագլխում հեղինակը մանրամասն ներկայացրել է գույքային հարաբերությունների ձևավորման առանձնահատկությունները ՀՀ-ում: Այս բաժնում կարելի էր անդրադառնալ նաև այն հանգամանքին, որ գույքային հարաբերությունների զարգացումը համակարգված չէր ամբողջ տնտեսության մասշտաբով, և այն դրսևորվեց հատկապես տնտեսության իրական հատվածում պետական գույքի մասնավորեցման ժամանակ:
4. Աշխատանքում առկա են որոշակի խմբագրական թերություններ: Օրինակ, աշխատանքի առաջին գլխի 1. 2 ենթագլխում գույքի դասակարգման խմբերն ու չափանիշները կարելի է ներկայացնել աղյուսակի տեսքով:

### *Եզրակացություն*

Գատարված ղիտողությունները չեն նսեմացնում ատենախոսության արժանիքները, այլ ակնկալվում է, որ դրանք հաշվի կառնվեն հեղինակի կողմից իր հետագա հետազոտություններում:

Վարդուհի Գևորգի Գաբրիելյանի թեկնածուական ատենախոսությունը ինքնուրույն և համակարգված հետազոտություն է, որը նվիրված է գույքային հարաբերությունների ուսումնասիրմանը, դրանց պետական կարգավորման հիմնախնդիրների և արդյունավետ լուծումների բացահայտմանը, ինչը հեղինակին հնարավորություն է տվել տեսական եզրահանգումներ և գործնական

առաջարկություններ կատարել դիտարկվող հիմնախնդրի շրջանակներում: Այս հիմաստով բարձր է աշխատանքի ինչպես տեսական, այնպես էլ գործնական նշանակությունը: Ատենախոսությունն ունի կոտ կառուցվածք և պարունակում է տեսամեթոդական լուրջ հիմքեր: Աշխատանքում հեղինակն օգտագործել է հարուստ վիճակագրական բազա և վերջին տարիների տվյալներ, ինչը նույնպես բարձրացնում է աշխատանքի արժեքը:

Ատենախոսության սեղմագիրը համապատասխանում է ուսումնասիրության բովանդակությանը և արտացոլում աշխատանքի կարևորագույն դրույթներն ու արդյունքները, որոնք հրատարակվել են հեղինակի 6 գիտական հոդվածներում:

Այսպիսով, կարելի է արձանագրել, որ Վարդուհի Գևորգի Գաբրիելյանի «Գույքային հարաբերությունների պետական կարգավորման հիմնախնդիրները ՀՀ տնտեսության զարգացման արդի փուլում» թեմայով թեկնածուականատենախոսությունը կատարված է պատշաճ գիտական մակարդակով, համապատասխանում է «Հայաստանի Հանրապետությունում գիտական աստիճանաշնորհման կանոնակարգի» 6-րդ և 7-րդ կետերին, ինչպես նաև ՀՀ ԲՈԿ-ի կողմից թեկնածուականատենախոսությանը ներկայացվող պահանջներին, իսկ հեղինակն արժանի է Ը.00.01- «Ընդհանուր տնտեսագիտություն» մասնագիտությամբ տնտեսագիտության թեկնածուի գիտական աստիճանի շնորհմանը:

ՊԱՇՏՈՆԱԿԱՆ ԸՆԴԴԻՄԱՆՈՍ,

ՀՀ ԳԱԱ թղթակից անդամ,

տնտեսագիտության դոկտոր, պրոֆեսոր

Գ. Ա. Նարիբյան

Պարոն Գ. Ա. Նարիբյանի

ստորագրությունը հաստատում է:

ԵՊՀ գիտական քարտուղար

պատմական գիտությունների թեկնածու

03.02.2020 թ.



Լ. Ս. Հովսեփյան